

NÁ-HÔNG (34)

1 Lūn Nî-nî-bî ê bék-sī, I-lék-ko-su lāng Ná-hông só· khoàⁿ-kìⁿ ê īⁿ-siōng, kì tī chheh-nih.

²Iâ-hô-hoa sī jiát-sim ê Siōng-tè, iáh kiāⁿ pò-siū; Iâ-hô-hoa sī pò-siū koh toā siū-khì; Iâ-hô-hoa tùi I ê tùi-ték pò-siū, ūi-tiōh I ê kiū-siū lāi khng siū-khì. ³Iâ-hô-hoa bô khoài siū-khì, ū toā lēng-lék; koat-toàn bô liáh ū choē--ê choē bô-choē; Iâ-hô-hoa ê lō· tī kng-lê-hong kap kōng-hong ê tiong-kan, hūn sī I ê kha ê thô·-hún. ⁴I chek-pī hái hō· i ta, iáh hō· chia ê hô lóng bô chú; Pa-san kap Ka-bit soe-pāi, Lī-pa-lūn ê hoe-bák iā soe-pāi. ⁵Soaⁿ-thâu in-ūi I tín-tāng, soaⁿ-niá iáh lóng siau-iūⁿ, toā-toē tī I ê bīn-chēng phōng--khí-lāi, sè-kài kap tiām-tī hit tiong-kan--ê iā sī án-ni. ⁶I chit-ē thōng-hūn, chī-chūi oē khiā-teh? I toā siū-khì chī-chūi tng-oē-khí? I ê siū-khì chhin-chhiūⁿ hé piāⁿ-chhut, chiōh-poāⁿ in-ūi I piak-lh. ⁷Iâ-hô-hoa sī hó, tī hoān-lān ê jīt, I choē oē-só; koh bat hiah-ê óa-khò I ê lāng. ⁸Chóng-sī I beh ēng hoàn-lām ê toā chú im-biát i ê toē, koáⁿ tùi-ték jlp o-àm. ⁹Lín siat sím-mih kè-bô· tùi-ték Iâ-hô-hoa? I beh choē kàu chīn-thâu, bián koh tē-jī-pái ê chai-ē. ¹⁰In īⁿ-tīⁿ chhin-chhiūⁿ chhi-phè, chhin-chhiūⁿ lim chiú kàu chui-chui, iáu-kú in beh sio--khì, chhin-chhiūⁿ ta-ta ê chháu. ¹¹Ū chit-ē tùi lí hia chhut--lāi, tô·bô· kan-ok, siat pháiⁿ kè-bô; kong-kek Iâ-hô-hoa. ¹²Iâ-

hō-hoa án-ni kóng, In sui-jiân sè-lék chhiong-chiok, lāng-giáh choē-choē, iáh beh siū chián-tū, kui tī bô. Goá sui-jiân bat hō· lí siū-khó, í-āu bô koh hō· lí siū-khó. ¹³Taⁿ Goá beh tùi lí ê ām-kún at-chih i ê taⁿ, chhoah-tng pák lí ê soh. ¹⁴Iâ-hô-hoa bat chhut bēng-lēng lūn-kàu lí kóng, Siók lí ê lāng tek-khak bô koh thoan-chéng; Goá beh tùi lí ê siōng-tè ê biō-lāi tū-biát tiau-khek ê ngó·-siōng, kap chū-chō ê siōng; Goá beh kā lí pī-pān hūn-bōng, in-ūi lí sī pi-chiān. ¹⁵Khoāⁿ ah, ū pò hó siau-sit thoan hô-pēng ê lāng, i ê kha kiāⁿ chiūⁿ soaⁿ-téng. Iū-tāi ah, siú lí ê choeh-kí, siā lí ê goān; in-ūi pháiⁿ-lāng bô koh tùi lí ê tiong-kan keng-kè; in-ūi i it-chīn biát-bô lah.

2 Phò-hoāi--ê chiūⁿ-kàu lí ê bīn-chēng; lí tiōh kò·siú oē-só, tī-hōng lō·thâu, io tiōh giám-ngī, khui-lát kék kian-kò. ²In-ūi Iâ-hô-hoa hók-tò Ngá-kok ê ēng-kng, chhin-chhiūⁿ Í-sek-liát ê ēng-kng; in-ūi chhiūⁿ-kiap--ê í-keng chhiūⁿ-kiap i, koh hui-hoāi in ê phū-tô-ki. ³I ê ióng-sū ê tín-pāi sī āng--ê, chiān-sū lóng chhēng chu-âng saⁿ; tī i pī-pān kau-chiān ê jīt, chiān-chhia ê kng-thih iām-iām-sih, i ê chhiūⁿ bú-lāi bú-khì. ⁴Chhia tī koe-lō· loān-loān chōng, tī khui-khoah ê só·chāi oe-oe khoeh-khoeh; khoán-sit chhin-chhiūⁿ hé-pé, kín-kín cháu, chhin-chhiūⁿ sih-nà. ⁵I tiām-sng i ê kùi-chók, in pō·kiāⁿ tian-tó, kín-kín kàu siāⁿ-chhiūⁿ, pī-pān pó-hō· ê khi-kū.

⁶Hiah ê hô-cháh lóng khui, kiong-tiān siau-biát. ⁷Ông-hō· siū lêng-jiók, hō· lāng liáh-khì; kiong-lú tui-heng, ai-háu chhin-chhiūⁿ kap ê siaⁿ. ⁸Nî-nî-bi tui chá í-lâi, chhin-chhiūⁿ chū-chíp chúí ê tî; taⁿ in lóng tô-cháu, ũ lāng kiò kóng, Thêng-kha, thêng-kha; chóng-sī bô lāng oát-thâu khoàⁿ. ⁹Chhiūⁿ i ê gûn, kap i ê kim; só· chek-chū--ê bô hān-liōng, súi ê kó·tóng kék hong-sēng. ¹⁰Taⁿ khang-hu lah, khang-khang lah, pha-hng lah; sim sit-táⁿ, kha-thâu-u saⁿ-kháp, io lóng thàng-thiàⁿ, bīn lóng piàn-sek. ¹¹Sai ê hiát kap soè-chiah sai, chiáh-mih ê só·chāi, chiū-sī kang ê sai, bú ê sai, soè-chiah sai, sì-koè kiâⁿ bô tiòh-kiaⁿ ê só·chāi, taⁿ tī toh-lóh ah? ¹²Toā chiah sai thiah-līh mih, hō· soè-chiah sai chiáh kàu-giáh; ũi-tiòh bú ê sai kâ-sí oáh-mih, chiong só· thiah-līh--ê tún-moá i ê hiát, chiong só· kâ-tiòh--ê, chek-moá i ê tōng. ¹⁸Bān-kun ê Iā-hô-hoa kóng, Khoàⁿ ah, Goá kong-kek lí, koh tī hé-hun-tiong sio-pháiⁿ i ê bé-chhia, to-kiām iā beh thun-biát lí ê soè-chiah sai; Goá beh tui toē-chiūⁿ tui-biát lí só· chhiūⁿ-liáh--ê; lí ê sù-chiá ê siaⁿ, bô koh hō· lāng thiaⁿ-kìⁿ.

3 Ū chai-ē ah, hō· lāng lâu-huih ê siāⁿ, ũ khui-chà không-pō moá-moá, chhiūⁿ-kiap bô soah. ²Ū bé-piⁿ ê siaⁿ, ũ chia-lūn hū-hū-háu ê siaⁿ, bé phut-phut-thiàu, chia không-không-háu; bé-peng chìn-chêng, to-kiām kng nà-nà, i ê chhiūⁿ iām-iām-sih; siū-thai--ê put-chí choē, sin-si chiāⁿ toā-tui, sin-si boē sng-tit, lāng poáh-tó tī sí-lāng ê téng-bīn. ⁴In-ūi súi ê chhiong-ki ũ choē-choē im-hēng, koàn-liān choē ang-î, ēng i ê im-hēng bê-hék liát-kok, ēng i ê siā-sút bê-hék choē-choē chók. ⁵Bān-kun ê Iā-hô-hoa kóng, Khoàⁿ ah, Goá kong-kek lí, Goá beh hian lí ê kûn, khàm lí ê bīn, hō· liát-kok khoàⁿ-kìⁿ lí ê chhiah-

thēh, hō· liát-pang khoàⁿ-kìⁿ lí ê kiàn-siàu. ⁶Goá beh chiong khó-òⁿ ù-oē ê mih hiat tī lí ê sin-chiūⁿ, lêng-jiók lí, hō· lāng bák-chiu khoàⁿ-kìⁿ. ⁷Tui án-ni kìⁿ-nā khoàⁿ-kìⁿ lí--ê, lóng beh tô-cháu lī-khui lí, kóng, Nî-nî-bi pha-hng lah, ũ sīm-mih lāng ũi i pi-siong ah? goá beh tui toh-lóh chhē-tiòh an-ùi lí ê lāng ah? ⁸Lí kiám ũ khah-iāⁿ Lô-a-būn mah? I chē tī chiah ê hô ê tiong-kan, chiu-ūi ũ chúí, hái choē i ê hô-kau, hái choē i ê siāⁿ-chhiūⁿ. ⁹Kó·sit kap Ai-kíp choē i bô hān-liōng ê khui-lát; Hut kap Lō·pí sī pang-chān lí--ê. ¹⁰Chóng-sī i siū chhian-soá hō· lāng liáh-khì; i ê eⁿ-á hō· lāng siak-sí tī koe-lō-thâu; lāng ũi-tiòh i chun-kui ê lāng liam-khau; i ê toā koaⁿ-oân lóng hō· thih-liān pák. ¹¹Lí beh lim kàu chui, iáh beh siū khng-bát; koh in-ūi siám-pī tui-ték lâi chhē oē-só. ¹²Lí it-chhē hiám-iàu ê só·chāi, beh chhin-chhiūⁿ bū-hoa-kó chhiū; ũ khí-thâu-sék ê bū-hoa-kó, chit-ē iô i, chiū ka-lauh tī chiáh ê lāng ê chhui. ¹³Khoàⁿ ah, lín tiong-kan ê peh-siⁿ sī chhin-chhiūⁿ hū-jīm-lāng; lí keng-lāi ê mng, lóng khui tī tui-ték ê bīn-chêng; hé sio lí ê mng-kōng. ¹⁴Lí tiòh chhiūⁿ chúí, pī-pān siū ũi-khùn; tiòh kian-kò· lí ê oē-só; tiòh kàu thô-khut táh thô, siu-lí chng-iô. ¹⁵Tī-hia hé beh sio-biát lí, to beh thāi lí, thun-biát lí chhin-chhiūⁿ tō·kâu; chhut-chāi lí ke-thiⁿ choē-choē chhin-chhiūⁿ tō·kâu, ke-thiⁿ choē-choē chhin-chhiūⁿ chháu-meh. ¹⁶Lí ke-thiⁿ lí ê seng-lí-lāng, khah-choē thiⁿ-tég ê chhiⁿ; tō·kâu sún-hāi-liáu chiū pe--khì. ¹⁷Lí ê kui-chók chhin-chhiūⁿ chháu-meh, lí ê toā koaⁿ-oân chhin-chhiūⁿ kui-tīn ê chháu-meh, thiⁿ-khì léng ê si chiū hioh tī lí-pa, jlt chhut chiū pe--khì, lāng m-chai i khì toh-lóh. ¹⁸A-sút ông ah, lí ê bók-chiá teh khùn; lí ê kui-

chòk tó-teh; lí ê peh-sìⁿ sì-soàⁿ tī soaⁿ--nih,
bô lāng chio-chíp. ¹⁹Lí ê siong boē i--tit; lí siū
pah chin-thiám; kìⁿ-nā thiaⁿ-kìⁿ lí ê siāu-sit-
-ê, beh in-ūi lí pah-chhiú; lí só· kiâⁿ ê pháiⁿ,
sím-mih lāng bô tú-tiōh?